



Aqqalu C. Jerimiassen

UPA 2022/30-1

Atassut

17. Maj 2022

Qanoq iliorluni illoqarfigisaq qimallugu erniartortatut ilaquaalu pitsaanerpaamik sullinnejarsinnaanersut pillugit apeqquteqaat aallaavigalugu oqallisissiaq.

(Inatsisartunut ilaasortaq Mikivsuk Thomassen, Inuit Ataqatigiit)

Meeqqakka tamarmik Nuummi inunngorput, akikitsuinnaasimanngeqaarlu aappaq erniartortoq aallaqatigisariaqarlugu suliffiup qimakkallartariaqartarnera nammineq akilikkamik. Tamassumallu malitsigisaasa ilagivaat, meerannguup inoorlaap atortussaanut sorpassuarnut aningaasat atorsinnaasaraluit angalanissamut billetimut atortariaqartarneri.

Kisimiikunanneqaaangalu taamannak misigisaqarsimasuni.

Oqaluuserisassanngortitsisup oqariartuuta assortoruminaappoq, taamaattorli naalakkersuisuttaaq akissuteqaataani paasiarluni, erninermi ulorianartorsiortoqariataarsinnaaneranut ilisimasaqarluartunik peqataasoqartarnissa pisariaqartoq.

Taamaattorli, ingiallordeqarsinnaaneq eqqarsaatigalu eqaannerusumik periuseqarnissaq taava eqqartariaqarparput, ataatanngortussarmi anaananngortussatuulli annertutigiinnartumik meeqqamut akisussaassuseqartigimmat.

Qujanarporlu naalakkersuisut akissuteqaatigisaminni tamassuma angujartuaarneqarsinnaalernissaanut misissuisinnaanermut ammallutik oqariartuuteqarmata, tamanna isumalluarfigiinnartariaqarparput.

Atassummiit arlalissuarialuta peqqinnissaqarfitta ingerlaneranut pitsanngorsaataasinjaasunik siunnersuuteqartareeraluarpuget, ajoraluartumilli amerlasuutigut itigartinneqartartunik.

Taamaammat maanna Atassummit suli oqaloqataaqqissinnaanissatsinnut piareersimavugut, inuaqatigiimm toqqisisimanartumik sullinnejarnissaat peqqinnissaqarfikkut tamatigut aaqqeqataaffigissallugu akisussaaffimmik tiguseqataarusuttuartaratta.

Meeqqap inunngornerminiik toqqisisimasumik, taamatuttaarlu angajoqqaanngortut eqqarsatingalugit tamatta suleqatigiiffissaqarluartugut partiit akimorlugit qularnanngimmat.

Taamatut naatsunnguamik Atassummiit apeqquteqaat aallavigalugu oqallisissiamut akissuteqarluta, oqaluuserisassanngortitsisoq qutsavigaarput.